

四庫全書存目叢書編纂委員會編

齊魯書社

四庫全書存目叢書

集部
第四二五冊

責任編輯：孫言誠 賀 偉

ISBN 7-5333-0615-5



EB5

四庫全書存目叢書·集部四二五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第四二五冊目次

集部·詞曲類

浙西六家詞十一卷

〔清〕龔翔麟輯
遼寧大學圖書館藏清康熙龔氏玉玲瓏閣刻本

..... 一

寶顏堂訂正樂府指迷二卷

〔宋〕張炎撰
北京大學圖書館藏明萬曆繡水沈氏刻寶顏堂祕笈本

..... 一三二

古今詞論一卷

〔清〕王又華輯
北京大學圖書館藏清康熙十八年刻詞學全書本

..... 一四七

填詞名解四卷

〔清〕毛先舒撰
北京大學圖書館藏清康熙十八年刻詞學全書本

..... 一六二

詩餘圖譜三卷附秦張兩先生詩餘合璧二卷

〔明〕張綬撰 附 王象晉編
北京大學圖書館藏明末毛氏汲古閣刻詞苑英華本

..... 二〇一

嘯餘譜十一卷

〔明〕程明善撰
北京師範大學圖書館藏明萬曆刻本

..... 二九四

浙西六家詞十一卷

〔清〕龔翔麟輯

遼寧大學圖書館藏清康熙龔氏玉玲瓏閣

刻本

附《四庫全書總目·浙西六家

詞十卷》提要

浙西六家詞序

錦衣倉北六朝之山色千堆票騎桁南萬占之江流一幅獅兒去後大有新亭燕子飛時還存空巷則有彩毫公子粉署郎官續漢上之題襟效機中之織錦衙香熏罷只願箋愁椽燭燒餘惟圖製恨玉玲瓏山閣滴粉搓酥紅茵苔湖莊啼花怨鳥更若公叔華宗相君貴冑常棲逆幕別署竹垞杜紫微掌書記之日艷體偏多韓君平知制誥之年宮詞不少醉卧鳳凰橋上曾翻

浙西六家詞序

十院琵琶狂遊鷄鹿塞邊慣聽一軍筆策書之粉壁譜在羅裙況復柘湖旣咸籍同居秋錦亦機雲不別共說隴西才地有謫皆仙俱誇家令門風無腰不瘦金戟則臨風對拓威激沉雄玉笙則帶月交吹淋漓頓挫焚僮破悶訴萬里之飄零燕女尋歡序十年之淪落溺人必笑姑流浪於酒旗戲鼓之間亡子思歸長嘆喏於殘月曉風之下疇能惠我定邁知音假曰華予寧無好事于是拈來犀管匣用琉璃篋得蠻箋裝成

玳瑁池則錢唐橋李家山只兩郡之閒詞如白石梅溪風格軼羣賢而上釐爲十卷約有六家從此并華汲處都吟柳永之章執帕貽來半織元稹之曲屬有陳琳寄言龔遂僕也紅牙顧誤雅自託于伶官綉幔填詞長見呵于禪客銅官玉女邑居不百里而遙小令長謠卷帙實千篇以外倘僅專言浙右諸公固是無雙如其旁及江東作者何妨有七聊資諧噱幸恕清狂宜與陳維崧其年撰

浙西六家詞總目

江湖載酒集三卷

秋錦山房詞一卷

柘西精舍詞一卷

未邊詞二卷

黑蝶齋詞一卷

紅藕莊詞二卷

江湖載酒集序

竹垞昔遊大同始爲詞其後客太原客濟南客燕客
聞客白下皆有詞然在燕爲最久其詞亦數倍于他
所合計之凡數百闕遺墜者什之三刪者什之二故
所輯甫得半耳自題其卷曰江湖載酒集取杜牧感
舊之句以自況其生平也竹垞能文章能詩至于詞
亦無勿能予每嘆其才爲不可及年來倦游方與予
約將爲青鞵布襪行歌互答于長水之鄉且終老焉
乃未幾而徵車北發旋登史館繼此而往倚聲按譜
吾知有不暇爲也于是其友蘅圖慮其藁之散漫而

江湖載酒集序

易失亟授制氏蓋先詩與文以行矣集中雖多豔曲
然皆一歸雅正不若屯田樂章徒以香澤爲工者從
來託旨遙深非假閨閣裙裾不足以寫我情高唐洛
神婉而多風亦何傷于文人之筆而況于詞乎詞而
豔能如竹垞斯可矣予恐不知竹垞者徂于法秀勸
淫之語或不能以無疑故并道之如此同里李符

江湖載酒集目錄

卷一

解佩令

桂殿秋

一葉落

霜天晚角

清平樂

更漏子

憶少年

桃源憶故人

風蝶令

賣花聲

鵲橋仙

玉樓春

踏莎行

釵頭風

南樓令

醉春風

江湖載酒集目錄

帶人嬌

酹相思

行香子

祝英臺近

洞仙歌

一枝春

雪獅兒

臨江仙

塞孤

長亭怨慢

暗香

滿瀟雨

晝夜樂

聒龍謠

東風第一枝

百字令

桂枝香

壽樓春

齊天樂

水龍吟

花犯	瑤花慢
綺羅香 二調	八寶妝
花心動	秋霽
角招	胃馬索
疎影 三調	沁園春 六調
摸魚子 四調	拋毬樂
卷二	
蒼梧謠	南歌子
南鄉子 三調	調笑令
天仙子 二調	生查子 二調
江湖載酒集目錄	
點絳脣 二調	醉花間
浣溪紗	後庭花
減字木蘭花	卜算子
采桑子	菩薩蠻
好女兒	好事近
清平樂	秦樓月 二調
畫堂春	朝中措
眼兒嬌	西地錦
柳梢青 四調	沙塞子
城頭月	西江月

風蝶令	賣花聲 二調
於中好	鵲橋仙 二調
河傳	玉樓春 二調
步蟾宮 二調	梅花引
臨江仙 三調	唐多令 三調
蝶戀花 四調	漁家傲 二調
風中柳	醉春風
侍香金童	殢人嬌
喝火令	鞦韆毬
垂絲釣	青玉案 二調
江湖載酒集目錄	
江城子 二調	紅娘子
河滿子	風入松
祝英臺近 三調	洞仙歌 二調
迷仙引	婆羅門令
明月引	
卷三	
東風齊着力	意難忘
滿江紅	六么令
芙蓉月	滿庭芳
天香 三調	夢芙蓉

雙雙燕	應天長	燕山亭	無悶	三姝媚	月華清	瑣窓寒	東風第一枝	百字令	木蘭花慢	桂枝香	齊天樂	湘江靜	探春慢	綺羅香	消息	尉遲杯	望湘人	折紅梅	五綵結同心	幔卷絢	沁園春	宜清	八歸	摸魚子	金縷曲	金明池	笛家	春風裊娜	蘭陵王	十二時	玉女搖仙佩	玉抱肚
								呂調			二調										二調			九調				二調				
江湖載酒集目錄																																
四																																

江湖載酒集卷一

秀水木彝尊字錫鬯一字竹垞

解佩令 自題詞集

十年磨劍五陵結客把平生涕淚都飄盡老去填詞
一半是空中傳恨幾曾圍燕釵蟬髻 不師秦七不
師黃九倚新聲玉田差近落拓江湖且分付歌筵紅
粉料封侯白頭無分

桂殿秋

思往事渡江干青蛾低映越山看共眠一舸聽秋雨
小簾輕袞各自寒

江湖載酒集卷一

一葉落

淚眼注臨當去此時欲住已難住下樓復上樓樓頭
風吹雨風吹雨草草離人語

霜天曉角 晚大東阿

鞭影匆匆又銅城驛東過雨碧羅天淨纔八月響初
鴻微風何處鐘夕曛嵐翠重十里魚山斷處留一
抹棗林紅

清平樂

齊心耦意下九同嬉戲雨翅蟬雲梳未起十四五來
年紀 春愁不上眉山日長慵倚雕欄走向薔薇架

底生擒蝴蝶花間

更漏子 吳江秋汎

鴨頭船菱葉港十里冷楓門巷江入測柳千條赤欄
第四橋 煮鱸香聽鴨語莫恨舟師催去空翠澹夕
陽孤飛帆渡石湖

憶少年

飛花時節垂楊巷陌東風庭院重簾向如昔但窺簾
人遠 葉底歌鶯梁上燕一聲聲伴人幽怨相思了
無益悔當初相見

桃源憶故人 祁縣登樓作

江湖載酒集卷一

二

高樓百尺誰家院靜鎖葳蕤春晚可惜蝦鬚簾捲只
是無人盼 登樓搔首斜陽滿風起落花如霰可惜
鵝兒酒煖只是無人勸

風蝶令 石城懷古

青葢三杯酒黃旗一片帆空餘神識斷碑鏡借問橫
江鐵鎖是誰監 花雨高臺冷胭脂辱并緘夕陽留
與蔣山街猶戀風香閣畔舊松杉

賣花聲 雨花臺

衰柳白門灣潮打城還小長干接大長干歌夜酒旗
零落盡剩有漁竿 秋草六朝寒花雨空壇更無人

處一憑欄燕子斜陽來又去如此江山

鵲橋仙 鞋

湖菱鳥角渚蓮紅辦不比幫兒還瘦拈來正是小航
船只合借燈前行酒 春陽花底春泥陌上最好踏
青時候假饒無意把人看又何用明金壓繡

玉樓春

殘霞散盡魚天錦臥柳門前萍葉浸画梁塵暝燕空
歸露井風多蛩未寢 悲秋楚客今逾甚那有閒情
拚夜飲屏山凝睇已無存何況玉鏤金帶枕

踏莎行 叙

江湖載酒集卷一

三

金重難勝翠勻如沐愛他也有同心目曉來尋慣枕
幽邊坐懷先縮香雲束 小鳳垂珠小魚銜玉離愁
夜半挑殘燭玉郎消息斷紅殘背人潛把歸期卜

釵頭鳳 逢呂二梅

紅亭右青溪口門前總是春楊柳當壚語遮人住玉
鞭墮也酒錢拋與數數數 橫波溜溪杯又意中盟
誓卿知否同心苴相思樹雙飛蝴蝶鎮長一處許許

又 藏鈞

華筵半銀燈聚玉鈞纖手陳青案傳言快分曹待暗

將心事把秋波賣在在 番番換低低喚箇儂
被人偷算三杯外含嬌態不應輸與笑拈衣帶再
再

南樓令

疎雨過輕塵圓莎結翠茵惹紅襟乳燕來頻乍暖乍
寒花事了畱不住塞垣春 歸夢苦難真別離情更
親恨天涯芳信無因欲話去年今日事能幾箇去年
人

醉春風

茶蘼

笑日紅偏嫩不雨青長潤卷簾一架曉庭濃認認
江湖載酒集卷一 四

小摘休前黃鬚綠刺最撩人髮 轉眼殘春盡生怕
繁英褪一年花事此關心僅僅僅僅雨晴時牡丹開
後這番風信

帶人嬌

贈女郎細細

絕小脣朱無多眉翠算舞腰楚宮有幾屏心一線柳
條通體比燕燕蟲蟲也還纖媚 易露簾前最宜懷
裏借片石迷藏花底一分難減千絲得繫待社日歸
來與伊相對 用東方生細君語也

酷相思

阻風湖口

吐鼓神鴉天外樹見渺渺江流去向晚來石尤君莫

渡大姑也留人任小姑也留人任 杜宇催歸朝復
暮轉把歸期誤儘燈火孤篷愁幾許風急也聲聲雨
風定也聲聲雨

行香子

伎席

月下秋娘燭下冬娘更多情花下花娘白蘋弄水載
取兜娘過泰娘橋真娘墓訪佳娘 桿撥曹娘羯鼓
邠娘唱瀟瀟暮雨吳娘春情不定一似蟲娘愛膽娘
邊酥娘畔有心娘

祝英臺近

題江舍人少壯三好圖

楮先生劉白墮此外也無箇減字偷聲雙調儘教和
江湖載酒集卷一 五

囑他小小蟲蟲輕輕燕燕都不許兩眉春鎖 且深
坐假若閒却芳年行樂甚時可暗悔從前所好未曾
果料難老眼抄書迴腸度曲但餘醺不妨留我

洞仙歌

書牀鏡檻記相連斜桷慣見修蛾遠山學倩青腰授
簡素女開圖纔疑呀一線靈犀先覺 新來窺宋玉
不用登牆近在蛛絲畫屏角見了乍驚迴點屐聲頻
分明視翠帷低擢旋手揭流蘇近前看又何處迷藏
這般難捉

又

津亭回首望高城天遠何況城中玉人面數郵籤萬
里嶺路千重行不得懊惱竹雞啼遍 鬱孤臺畔水
解送歸人三板輕船疾于箭指點暮愁村樹下門前
怪別後雙蛾較淺若不是臨風暗相思肯猶把留題
舊時團扇

又

仲冬二七量佳期須果若再沉吟甚時可況熏爐漸
冷窗燭都灰難道又各自抱衾閒坐 銀灣橋已就
冉冉行雲明月懷中半宵墮歸去忒匆匆軟語丁寧
第一怕殘羅塵泥料消息青鸞定應知也莫說今番

江湖載酒集卷一

六

不曾真箇

又

東風幾日覺春寒猶甚纖手偷攜問誰禁對初三微
月看到團圓鋪地水處處殘塵涼浸 周郎三爵後
顧曲無心爭忍厭厭夜深飲只合並頭眠有限春宵
切莫負爰香鴛錦最難得相逢上元時且過了收燈
放船由恁

又

城頭圓角報橫江鹽船催上扁舟五湖曲怪芻尼噪
罷蟬子飛來重攜手也算天從人欲 紅牆開交與

轉入迴廊小小窻紗拓全屋隨意楚臺雲抱玉俟香
冰雪淨素肌新浴便歸闌簾旌侍兒醒只認是新涼
拂簷蝙蝠

又

韶光最好甚眉峰長聚相勸乘船漾南浦眴海棠簪
後插到茶蘼同夢裏又是槐花風雨 橋東芳草岸
勝樂遊原勾隊爭看小蠻舞雀舫曳疎簾蛛網浮杯
但日日鸞簫吹度聽唱過青春驀山溪待拆了歌臺
放伊歸去

又

江湖載酒集卷一

七

花糕九日綴蠻王獅子圓菊金鈴鬢邊媚向閨房客
約三五須來也不用青雀先期飛至 思深容易怨
釋怨成歡濃笑懷中露深意得箇五湖船雉婦魚師
算隨處可稱鄉里笑恁若將伊借人看留市上金錢
儘贏家計

又

三竿日出愛調粧人近鳬藻熏爐正香潤看櫻桃小
注桂葉輕描圖畫裏只少耳邊朱釵 金簪三寸短
留結殷勤鑄就偏各有誰認便與奪鸞篋錦髻梳成
笑猶是少年風韻正不在相逢合歡頻許並坐雙行

也都情分

又

蘋洲小棹約兜娘相共豈意錢塘片帆送逢故人江
上一路看山寧料我過盡惡溪靈洞東甌城下泊
孤嶼中流明月秋潮夜來湧此際最銷凝苦憶西樓
想簾底玉鈞親控捨舊枕珊瑚更誰知有泪雨烘乾
萬千愁夢

又

明湖碧浪枉輕帆尋遍咫尺仙源路非遠訝杜蘭香
去已隔多時又誰料鏡約三年還踐纖腰無一把

江湖載酒集卷一

八

飛入懷中明月重窺舊時面歸去怯孤眠鏡鵲晨開
雲鬢掠小脣徐點偏走向儂前道勝常渾不似西窗
夜來曾見

又

勞舟已發又經旬調笑不算匆匆別離了轉飛龍骨
出束竹腸攢月額雨持比淚珠差少羅囊針綰就
絡以朱繩淡墨疎花折枝裊中有錦箋書密屬歸期
道莫忘翠樓烟杪枉辜負劉郎此重來戀小洞春香
尚餘細草

又 吳江曉發

重湖淡月響漁榔無數一雲通波撥柔櫓過香鑪亭
畔話鴨橋邊籬根綻點點牽牛花吐紅樓思此際
謝女檀郎幾處殘燈在牕戶隨分且欹眠枕上吳歌
聲未了夢輕重做也儘勝鞭絲亂山中聽風鐸郎當
馬頭衝霧

一枝春 梅

竹外橫斜一枝春最近曉寒窗戶翠禽軟語喚起石
闌題句東風舊日曾飛上那人眉嫵幾閒却剪綵心
情覓到小園深處前村酒旗堪數試問攜書檢重
修簫譜玉鱗殘月襯香雪馬蹄歸路乘餘興更上吳

江湖載酒集卷一

九

船笑指虎山橋去

雪獅兒 錢葆齋舍人書味貓詞索和

吳鹽幾兩聘取狸奴浴蠶時候錦帶無痕搦絮堆綿
生就詩人黃九也不惜買魚穿柳偏愛在戎葵石畔
牡丹花後午夢初迴晴晝飲雙睛乍豎困眠還又
驚起藤簪子母相持良久鶚哥來否惹幾度春閒停
繡重簾逗便請爐邊叉手吳俗以鹽易貓陸務觀詩
子買魚穿柳聘街婢李璣送貓詩街婢毛色白勝酥
開裝便請爐邊叉手從從教鼠子自跳梁何尊師似
貓圖易元吉有蘇臺戲貓圖

又

勝酥入雪誰向人前不仁呼汝永日重階恒把子來
頻數癡兒駭女且莫漫綵絲牽任一任却食魚捕雀
鑽蜂窺鼠 百尺紅墻能度問檀郎謝媛春眠何處
金縷鞋邊慣是雙瞳偏注玉人迴步須聽取殷勤分
付空房暮但喚街蟬休誤詞朝隱鷓鴣見篇序云
貓不仁獸也路德延孩兒
詩貓子綵絲牽黃荃有食魚捕雀二圖郭乾佑有顧
蜂貓圖盧延詩餓貓窺鼠穴

臨江仙

三十六陂遠半竿日澹一面風軟書橈靜采菱人也
都歸幽期記紅袖滿碧筩勸舊侶全稀空留得伴愁
江湖載酒集卷一 十

人夜半聽雨柴扉 江妃亭亭翠蓋水佩零落無遺
剩寒蘆折葦相映苔磯淒其看晨颺裏鴛鴦任來了
還飛漁翁笑且香包冷飯針補秋衣

塞孤

高唐道中曉行作

五更風一剪蘆簾啓挂壁燈飄紅穗仰視昂車星瑣
碎穿曲巷嘶輕騎松門掩木魚聲草火濕秋螢尾愛
涓涓響橋下流水 難認斷塔稜亂結啼鴉隊月影
潛消衣袂幾處炊烟茅店起霞露白離花翠日已上
最高樓霞又散無邊綺未輸他斗帳人睡

長亭怨慢

雁

結多少悲秋倚侶特地年年北風吹度紫塞門孤全
河月冷恨誰訴渚烟汀樹也只戀江南任隨意落平
沙巧排作參差等柱 別浦慣驚移莫定應怯敗荷
疎雨一繩雲杪看字字懸針垂露漸欲斜無力低飄
正目送碧羅天暮寫不了相思又蕪涼波飛去

暗香

紅豆

凝珠吹黍似早梅乍萼新桐初乳莫是珊瑚零落敲
殘石家樹記得南中舊事金齒屐小鬟蠻女向兩岸
樹底盈盈素手摘新雨 延佇碧雲暮休逗入茜裙
欲尋無處唱歌歸去先向綠窗飼鸚鵡惆悵檀郎路

江湖載酒集卷一

十二

遠待寄與相思猶阻燭影下開玉合背人暗數

瀟瀟雨

落葉

秋林紅未足怪酸風一片舞遙堤任高高下下蕭蕭
撼撼策策淒淒岸嘴籬根壓徧驚斷草蟲啼只有淒
涼月來照鴉栖 却似浮踪不定謂當南反北旋又
東西縱吟邊倚杖樽酒正堪攜然風鏑故人來否怕
空山舊徑一時迷颼颼響悵無眠夜聽到荒鷄

書夜樂

贈伎蠟兒

花鬢未受金鈴護被遊蜂銜將去縱輪密勾濃甜也
儘不辛不苦自是嫌他無味誤翠濤開甕頭香聚纔

得近儂唇把春情黏住 冰絃撚潤繁絲縷愛冷冷
風前語同心燭下貪歡惜別泪珠難數研就紅箋私
印少撥蟲魚小名添鑄積多少相思一丸書寄與

聒龍謠

白門歲時對雪

密比花繁輕嫌絮重一半斜侵簾戶淡抹墻腰似月
稜初吐纔飄墮凍雀聲中又壓到早梅開處縱旗亭
臘釀堪沽已迷却板橋路 颼風緊亂雲低見潏墨
點點林鴉催暮一絲漁艇料今番歸去訝光寒入夜
翻明漸灑急聽窗如雨問隔江桃葉桃根尙能來否

東風第一枝

杏花

江湖載酒集卷一

三

渡柳初眠官梅已褪又看春色如許水村山郭斜陽
立馬亂紅無數仙人此住也憐取滿林香霧酒旗風
搖曳黃昏開遍冷烟疎雨 休忘了曲江歸路試說
與冶遊伴侶最愁零落片泥半教燕飛啄去賣花聲
遠料深巷明朝何處倩箇儂曉日新粧插向鬢雲斜
吐

百字令

燕市逢李分虎

竹垞春雨悵早梅未放扁舟先發別後聞君浮皖口
渺渺波潮天末燕市經過相逢一笑逆旅征衫脫鄉
園無恙匆匆勝影中說 正好青兕多才銅駝結伴

按金荃新闕跋扈飛揚須爲爾忘却星華髮況有
能詩高三十五勸引杯中物酒闌起舞滿身都是明
月

又

索曹次岳圖竹垞圖

杜陵老矣共丹青曹霸白頭漂泊花柳春殘都未見
底事燕南栖託略約長堤嘔啞柔櫓只憶江鄉樂吾
廬何處斜陽芳草村落 況有蔗芋閒田竹梧舊徑
客至堪盃酌試畫三楹茅屋矮隨意圖書簾幙峽石
東西橫山近遠密樹遮雲壑明年歸去小樓添向墻
角

江湖載酒集卷一

三

桂枝香

蟹

緯蕭哉水見半漾湖波半撐湖嘴此際菱歌漸少滿
腔香穗魚師菰飯新炊後任欹斜掀頭船艤爬沙響
處連江露白一燈紅細 便八跪雙螯都利被筠筐
掩就乃行無計試放閒塘蓼岸描成秋意須愁解甲
隨潮去添瘦葦一枝扶起履霜聽遍聲宛似玉琴
絲裏

壽樓春

天桃花清晨記晴窗挂鏡螺黛初勻驀地鵲哥傳語
卷簾遙巡纔一笑渦生春悵無言嬌含朱脣乍茗椀

攜來漸去也微步洛川神 同心苴同心人栽香
羅繡風塵就紅中恨恨明珠難解燕書無因深巷小
生秋塵歎重來烏龍信信想人面依然春衫著應穩
稱身

齊天樂

苓根化就初無力溫風便開調藕葉侵塘槐花糝
徑吟得井梧秋到一枝潛抱任吹過鄰牆餘音猶嫋
暮地驚飛金梭爲避粟留小 長隄翠陰十里冠綬
都不見只喚遮了斷柳亭邊空山雨後愁裏幾番斜
照昏黃暫悄讓吊月啼姑號寒迷鳥飲露方殘曉涼

江湖載酒集卷一

十四

嘶恁早

又 鷓鴣

謝池最愛鮮禽好當年惠連曾賦紫荇絲邊水萍花
外長見伊窺魚住乍翻洲渚訝拍拍隨波欲低還舉
占得圓沙便拳一足久延貯 采蓮舟漸近也笑紅
裙按櫂不教驚去荻岸偏明蘋風慣浴涼月穩移烟
浦曲江人渡指隱約秋潮望中生處纔挂漁簪又飛
來無數

水龍吟

綠雲十里次香輕紈剪出機中素銀塘一曲亭亭何

恨露盤冰柱玉腕徐來青泥不動乍鳴柔櫓惹沙鷗
撥鹿雙飛不見又何況雙栖鴛 好手畫師難遇倩
崔吳鼠鬚描取翠衿小鳥黃衣稚蝶添成花詩雲母
屏風水晶簾額冷光交處爲秋容太淡嫣然開到小
紅橋路

花犯

曲池塘天教付與雙桷夜深並綠蒲分映任夢裏隨
波烟外交頸圓沙一片斜陽冷多應睡未醒看足了
浣衣人去蜻蜓移釣艇 采蓮渡頭最愁他清歌纔
起處驚飛難定齊浴罷花潭下翠牽紅凝休綠却竹

江湖載酒集卷一

五

弓射鴨還自去空江千萬頃正好伴水亭風檻低垂
羅袖影

瑶花慢

日長院宇鉞綫慵拈況倚闌無緒翡翠幄看盡展
忘却東風簾戶芳魂搖漾漸聽不分明鶯語逗紅蕉
葉底微涼幾點綠天疎雨 画屏遮遍通山知一縷
巫雲吹墮何處愁春未醒定化作鳳子尋香留住相
思人並料此際驚回最苦巫丁寧池上楊花莫便枕
邊飛去

綺羅香

和宋牧仲別駕咏螢

挾火難溫侵星易墜留拂井梧簷樹傍隔朱欄暗裏
慣窺人住渾不辨鬢殘粧又何況襪塵纖步踪跡
涼團扇初閒輕羅撲付小兒女 蕙蕙深鎖靜院攜
照相思字練囊縫取憑仗微風方便更教飛去逗屋
角秋圓絲絲避葉心豆花斜雨恁意向月黑池塘夜
闌高下舞

又玉蘭

紅木棉苞紫辛巳襍詎勝縞衣霜袂雪不封條但向
花房凝綴露一簇碧牡丹芽少幾點翠梧桐子笑依
然玉樹陳宮胭脂肯浣井中水 佳辰纔過上巳說

江湖載酒集卷一

七

與采蘭人道休尋溱洧第一瑤臺月姊交光相對便
著雨轉覺瓏鬆慣臨風幾曾憔悴似搓酥滴粉張機
喚來深院裏

八寶粧

孔雀

庭暗婆羅山明躑躅正值好春時候不用紅樓三十
級合在迴廊疎牖朝來彈指阿誰妒殺芳心綠蕤簪
處開難驟絕勝織成步障編他銅鈿 看場壓倒窻
櫺一迴舞旋更教人立屏後數項翠尾花如鏤怎染
出輕紈圖繡除非是邊鸞好手郁伊聲裏低丹味問
低眼登奴莫銷殘碧暗金否

花心動

晴窗

舞拂波光齊上下早是薰風池館蟬翼還輕蕩尾偏
長記取孤梨曾喚釣絲愛向人前立見幾度欲飛猶
緩花陰小伯勞穿過也能偷眼 點水移時款款乍
紅裊菱枝翠停荷管卷幔涼多倚檻晚晴影纖夕陽
莎岸有時忽向玉搔頭全不怕佳人羅扇纖羽響一
剪鬢雲撩亂

秋霽

嚴子陵釣臺

七里灘光見擁樹歸雲石壁銜照漁火猶存羊裘未
徹只合此中垂釣客星曾老算來無過烟波好況有

江湖載酒集卷一

七

箇箇隱市門仙女定娟妙 當此更想去國參軍白
楊悲風應化朱鳥翠微深鷓鴣飛處半林茅屋掩秋
草歷歷柁樓人影小水遠山遠君看滿眼江山幾人
流涕把萸苔掃

子陵梅福之壻參軍謂謝阜羽有西
臺痛哭記

角招

裂帛湖春遊作

冷波濯城西路曉來燕子齊掠龍舟今寂寞臥柳斷
橋總被藤縛山雲漠漠漸做弄春陰如幄小雨濃烟
披薄知他花外誰家尚依然亭閣 佳約好春過却
輕寒正怯肯把紗窗拓海棠開又落碧草溟溟東風
還作麴塵猶昨偏濕了秋千紅索料是羞登角試